

تورکیا

بویوک ملت مجلسی

ضبط جریده سی

یتیمش برنجی اجتماع

۱۰ تموز ۱۳۳۸ بازار پرستی

مذہبات

— ضبط سابق خلاصہ سی

— اوراق وارده

— داخلہ وکالتی وکیللی انتخابی

— ہیئت وکیلک استعفا سی

برنجی جلسہ

برائے مذاکرات

دقیقہ ساعت

۲

[رئیس — رئیس ثانی رؤف بک اقدی]

کاتب: حق بک (وان)

وار. ہیئت عالیگزہ عرض ایذیلہرک رأیلر بکری استحصا
ایده جکر .

بویوک ملت مجلسی ریاست جلیله سنہ

بیغا مبعونی محمد بک اقدی طرفندن اعطا قیلنوب
داخلیہ انجمنده بولمقده اولان اداره خصوصیه ولایات
قانونی لایحه سنک مقتضی تدقیقاتک اجرامی ضمنده
وکالت عاجزی به ارسال ونودیغنه مساعدہ جلیله ریاستینا
هیلری رجا اولنور اقدم . ۶ تموز ۳۳۸

داخلیہ وکیلی

علی فتحی

اقدم ! داخلیہ وکالتنه بولایحه نک کوندرلسنی
قبول ایذیلر لطفاً ال قالدیرسون ! ارسالی قبول ایذیلشدر
اقدم .

هیئت عمومیہده بولنان مقش عمومیلک قانونیله

ضبط سابق خبره سنک قرائی :

رئیس — اقدم ! جلسہ کشاد ایذلی . ضبط سابق
خلاصہ سی اوقونہ جق . (ضبط سابق خلاصہ سی اوقوندی)
صبط سابق خلاصہ سی حقنہ روز ایستین وارمی ؟
(خایر صدالری) ضبط سابق خلاصہ سی عیناً قبول
ایذیلر لطفاً ال قالدیرسون ! ضبط سابق خلاصہ سی عیناً
قبول ایذیلشدر .

اوراق وارده :

خیانت وطنیہ جرمندن مظنون عبدالباقی اقدینک
اوراق حکمیہ سنک کوندرلدیکنه دار عدلیہ وکالتی
تذکرہ سی وارء عدلیہ انجمنه کوندریبوروز .

بیغا مبعونی محمد بک طرفندن وریلوب داخلیہ
انجمنده بولنان اداره خصوصیه ولایات قانوننک — تدقیقات
اجرا ایذیلک اوزرم ارساله دار داخلیہ وکالتی تذکرہ سی

اداره سنجه مجلسدن ایکی ذاتک اتخابی حقنده اقتصاد و کالی تذکره سی وار ، او قونه جقدر .

تور کیا بویوک ملت مجلسی ریاست جلیله سنه زراعت باقهنسک سنه حالیه بودجه سنه درج اولنوب مجلس عالیجه بالندا کره قبول بویوریلان ماده قانونیه موجبجه مذکور باقهنسک مجلس اداره سنه بویوک ملت مجلسی اعضاسی میانندن اتخابی ایجاب ایدن بر رئیس و بر اعضاسک تسریع اتخابی مجلس اداره نک بر آن اول تأمین فعالیتی ایچون ضروری بولنقله ایفای مقتضاسی رجا و تأیید احترام اولنور اولبا بده .

۷ - ۷ - ۱۳۳۸ تموز

اقتصاد و کالی

حسن حسنی

اقدام! تنسیب بویورورسه کتوبوبابده دیوان ریاستجه ایجابی تذکر اولنسون. بالآخره هیئت جلیله به عرض معلومات ایدلسون، بدمه اوکا کوره برقرار اتخا بویورلسون. (موافق صدالری) بروسه نک سنه دوریه اشغالی مناسبتیه مورود تلغراف وارد، هیئت عالیکزه عرض ایدیه جکدر:

بویوک ملت مجلسی ریاست جلیله سنه

بوکونکی - ۸ تموز - یشیل بروسه مرکز ملعون و ملوث

یونان آیا قریله چیکسندیکی ماتلی کونک ایکسجی سنه سی اولوب بیتدیکنی اخطار ودل و جانمزد آچیلمش اولان او کولمز یاره لر ی پک الیم بر صورتده تشدید ایتدیکی و مقدس یوردیمزده خائن دشمندن هر کون برر صورته انواع مظالمه دوچار اولان دیندا شلریمزی ده خاطر لاتهرق جکر لر مزدن قویوب کان کوز یا شلری کوز لریمزدن یا غمور کبی آتقده اولدیغی حاله معظم و منصور اردومزک نائل امل و عزیز وطنمزک پای دشمن مقهوردن تخلیص و تخلیه سنه بر آن اول موفق اولسی دعوات و تمیناتی بارکاه احدیته تکرار آرفع و ایصال ایلدیگمزی بروسه لیلر نامه عرض و تقدیم احترامات و تعظیمات ایلرز . باقی الله یعاونکم فی کل الامور .

۷ - ۷ - ۱۳۳۸

بروسه اغنام تاجر لرندن استانبولده بروسه انجمن ولایت

حاجی رجب زاده اعضاسندن اولوجابع ایکسجی

امامی نجیب

لومه لی رضا

بو بابده کی تقریر لر اوزرنده تدقیقات اجراسی ضمنده مذکور لایحه نک ارساله دائر داخلیه و کالتی تذکره سی وار ، او قونه جق :

بویوک ملت مجلسی ریاست جلیله سنه

مجلس عالی نک هیئت عمومی سنه بولنان مفتش عمومی ک قانونیه قانون مذکوره عائد تقریر صورتلرینک مقتضی تدقیقاتی اجرا قیلمق اوزره و کالت عاجزی به ارسال و تودیه مساعده حلیله ریاست پناهیلرینک شایان بویورولسی رجا اولنور اقدام .

۶ تموز ۱۳۳۸

داخلیه و کالی

علی قهی

مفتش عمومی ک قانونی و تقرعاتی حقنده کی داخلیه و کینک طلبی قبول ایدن لر لطف افعال قالدیرسون! قبول ایدلشد. ۳۳۷ سنه سی موازنه عمومی ک قانوننک سکزنجی ماده سنک لزوم تفسیرینه دائر مالیه و کالتی تذکره سی وار اقدام! موازنه مالیه انجمنه کوندریورز .

مکلفیت نقلیه عسکریه قانوننک بشنجی ماده سنک لزوم تفسیرینه دائر مالیه و کالتی تذکره سی وار ، مدافعه ملیه انجمنه کوندریورز .

اقدام! پروتستونک تبلیغ ایدلدیکنه دائر خارجیه و کالتنک تذکره سی وارد. هیئت عالیکزه عرض ایدیه جکدر.

تور کیا بویوک ملت مجلسی ریاست جلیله سنه

۸۸۳ نومرولو ۲۸-۶-۳۸ تاریخلی تذکره به جوابدر.

۳۵۴۷ ممالک مشغوله ده یونان مظالم و فجایعنی ملل متمدنه پارلمنتو و مطبوعاتنه پروتستو ایتمک اوزره تنظیم بویوریلان پروتستو نامه نک بر صورتلری شهر مزده بولنان افغان ، آذربایجان ، ایران سفیرلرینه و صورت مترجملری روس سفیریه میرالای موژنه تودیع ایدلش و ممالک اجنیه ده ایجاب ایدن مقاماته تودیعی ضمنده حامد بکه ، موسقوا سفارتنه ، پارس ، روماء ، قفلیس و باکو ممالک لرینه و شرق جبهه سی قوماندانلغته کوندرلشد اقدام .

۲ تموز ۱۳۳۸

خارجیه و کالی

یوسف کمال

زراعت باقهنسک قانونی موجبجه زراعت بالیق مجلس

کیر ماسقی اشراقندن قره جه بک اشراقندن
او غورلی اسماعیل نوری

اورخان ایلی اشراقندن
آلتونچی اوغلی مصطفی

بولی مبعوثی مرحوم عزت پاشا حضرت تلرینک حریمی
خانم طرفندن مورود تلفراف واردر . معلوم حالیکز ؛
مرحوم آرقداشمزک رقیقه سنه تعزیت تلفرافنامه سی
چکیلیمشدی . اوکا جوابدر :

آقرده بویوک ملت مجلسی رئیس و باش قوماندان
مصطفی کمال پاشا حضرت تلرینه

۱۹-۴-۳۸ تاریخلی تعزیه نامه نرینی یکی آلم . خسته
ایدم . صوک ضربه نی برساناتورومه التجا مجبور بقده
براقجق قدر صارصدی . ممکن اولورمه بو آی نهایتده
کیده حکم . بلکه اولوم بولنده بولدیغ بو بویوک آجی
کونلرنده صوک ویکانه تسلیم زوجهک بوتون حیانشده
ناموس ، وظیفه حسلرینه سیر اولدیغی ذات دولتلرندن
ایشتمکدر . بکا بوتسلی نی ویردیکنز ایچون سزه وترجان
حسیاتی اولدیغکنز محترم آرقداشلریکزه ده بوتون روجه
تشکر ایدرم .

مرحوم یوسف عزت پاشا حریمی
خیره ملک

وباء بقری حقنده ارزنجان مبعوثی امین بک اقتصاد
وکلندن استیضاح تقریری واردر . هیئت علیه کزه
عرض ایدیورز :

ریاست جلیله

آقرده نك تقریباً ساعت مسافه سنده کائن [پورصاقلار]
قریه سنده وباء بقری نك شدتله اجرای تحریبات ایستیک
مشاهده اولنسی اوزرینه بالذات اقتصاد وکلتنه مراجعت
ایدرك مقامنده کوريله یلمک مظهریتی متمسر اولان وکیل
بک اقددی بولنه مامش و مأمورین عانده سنه معلومات
ویرلمکله برابر کندیمسی ده زراعت مکتبی اوکنده کوريله رک
تأکید کیفیت ایلمش اولدیغی ویرتسی کونده مأمورین
فیه نك اعزامی وعدی آلدیغی حانده اون بش کوندر
وکالت مشارالیه ده هیچر حرکت کوريله مه مشدر . بونک

نتیجه سی اوله رق خسته لقی سرای کوینه سرایت ایدرك
تخریباتی پک فبیج بر صورتده توسیع ایشدر . ثروت
ملیه نی محابه و بالنتیجه ملک و سائل نقلیه سی تقیله سبب
اولان شو لاقیدینک نه کبی اسبابه مستقد اولدیغی وکیل
مشارالهدن استیضاح ایلمم . ۸ تموز ۳۳۸

ارزنجان مبعوثی
محمد امین

آقدم اقتصاد وکلندن استیضاحی مضمون ارزنجان
مبعوثی امین بک ویردیکی تقریری قبول ایدلر اطلاقاً
ال قالدیرسونلر قبول ایلمه دی آقدم .
مأمورین محاکمات هیئتنه توذیع اولتان اوراق حقنده
مأمورین محاکمات هیئتک تذکره سی وار ، هیئت علیه کزه
عرض ایدیورز :

ریاست جلیله

مأمورین محاکماتی هیئتک وظیفه وصلاحیتی مجلس
عالیجه قبول بویرلمش اولان ۴ تموز ۳۳۷ تاریخ و ۱۳۱
نومرولو قانونه ۳۱ کانون اول ۳۳۷ تاریخ و ۱۷۷ نومرولو
ماده مدیله موجبنجه مأمورینه متعلق اوراق محاکماتی
درجه نایه ده تدقیق واداره عمومی وولایات قانونت ۶۷ ،
۶۸ ، ۱۳۵ و ۱۴۶ نجی ماده لرنده محرر مواد و مسائل
استینافاً و تمیزاً رؤیت ایلمکدن عبارت اولدیغی حالده بعضی
مقامات و دوارجه بونک خارجنده کی اوراق کوندرلمکده
وقانوناً صلاحیت خارجی کورولسنه مبنی رؤیت اولنه ما
مقدیه ویاخود عدم صلاحیت قراری اعطاسنه مجبوریت
حاصل اولمقده در . بو حال ایسه ایشلرک سنورونجمده
قلمی و بالنتیجه علاقه دار اولانلرک متضرر اولمسی موجب
اوله جفندن شورای دولت هیئت عمومی سنه عابد فقط ؛
مأمورین محاکمات هیئتک وظیفه وصلاحیتنه دایر مواد
قانونیه به نظر آ هیئتمزک وظیفه سنیدن خارج مسائلک
مرجع تدقیقنک بر آن اول تعیینی اهمیتله عرض واسترحام
ایلرز .

اعضا رئیس نانی
سیواس مبعوثی سیواس مبعوثی
مصطفی قی امیر
مأمورین محاکمات هیئتک رئیس
لازستان مبعوثی
اسعد

اعضا
جانیک مبعوثی مرعش مبعوثی صاروخان مبعوثی نیکده مبعوثی
شکری محمدحسینب عمر لطفی مصطفی حلمی

اعضا
قصری مبعوثی
عاطف

اعضا
خلیل ابراهیم

اعضا
اسعد بك (لازستان) — معلوم مالیکز ،
مجلس عالیجه قبول بویورلمش اولان قانون موجبجه
مأمورینک محاکمه سته باقیلیور ، برده اداره عمومی و لایات
قانوننک ۶۷ ، ۶۸ ، ۱۳۵ ، ۱۴۶ نجی ماده لری موجبجه
برطاف مسائل تدقیق اولنیور . حالبوکه معلوم مالیکز ،
شورای دولتک متنوع و مختلف وظائفی واردر . مثلا
دوآر آراسنده کی اختلافات ، امتیازات ، قانون تفسیری
کی مسائل ایله ده اشتغال ایدر . حالبوکه بوهیئته ویریلن
صلاحیت محدوددر . وظیفه و صلاحیت خارجی اوله رق
بزه بعض اوراق کلیور . طبیعی بزده باقمیورز اساساً
بوهیئتک وظائفندن خارج قالان دیگر وظائفک ده ، بوهیئت
طرفندن رؤیت ایدلمه سته . دائر تکلیف واقع اولمشدر .
داخلیه انجمنی ده بونی تصویب ایدره ک هیئت عمومییه
تقدیم ایتمشدر . اونک ایچون بوتکلیفک برآن اول
روزنامه یه آلمنسی و مواد مستعجله میانته قونیلار ق برآن
اول مذاکره سنی تکلیف ایدیورم . (قبول صدالری)
رئیس — افندم ! انجمن رئیس بکک ده افاده بویوردینی
و جهله ، بوخصوصه داخلیه انجمنک ده برتکلیف قانونیسی
وار ، هیئت عمومییه مال اولمشدر . مأمورین محاکمات
هیئتک تذکره سی ده هیئت علیه کزجه تصویب بویوریلورسه
هرایکیسی توحیداً و مستعجلاً مذاکره ایدلم . مستعجلاً
روزنامه یه آله رق مذاکره سنی قبول ایدنلر لطفاً اللری
قالدیرسون ! قبول ایدلمشدر .
اقتصاد انجمنی رئیس دو قنور توفیق رشدی بکک
تذکره سی وار ؛ هیئت مالیکزه مرض ایدله جکدر .
ریاست جلیله یه
انجمنموزک آئیده کی اسامیسی محرر ذواتک انفکاکلری
حبیله لرلرینه شعبه لرحه انتخابات اجر اسنک استکمالی
رجا ایلرم افندم .

شعبه
۵ صدیق بك (چوروم)
۱ سعدالدين بك (منشا)
۲ حاجی نوری افندی (سعد)
۲ حاجی بكر افندی (قونیه)
۳ اسماعیل صبیحی بك (بور دور)
۴ نیل افندی (قره حصار)

اقتصاد انجمنی رئیس
دو قنور توفیق رشدی
تسبیب بویورورسه کز عائد اوله قلری شعبه لره
تبلیغ ایتا ایدلم . بو ذواتی انتخاب بویورسونلر !
انجمنک بو تکلیفی قبول ایدنلر لطفاً ال قالدیرسون !
قبول ایدلمشدر افندم .
حرب قازانچلری قرارنامه سی حقدنه آماسیه مبعوثی
عمر لطفی بك ورفقاسنک و دشمن استیلاسی دولایسیله
متضرر اشخاصک حرب ویرکولری حقدنه قره حصار
مبعوثی شکری افندی تکلیف لری ایله بو بایده موازنه
مالیه انجمنی مضطه سی وار . روزنامه یه آلیورز .
مؤجلت عسکریه ویرکوسی قانوننک تفسیرینه دائر موازنه مالیه
انجمنی مضطه سنی کذا روزنامه یه آلیورز .
معلولین غزوات حقدنه موازنه مالیه انجمنی مضطه سی ...
بونی دخی روزنامه یه آلیورز .
داخلیه وکالتی وکیلی انتخابی بوکونکی روزنا -
مه مزده بوندن اولکی اجتماعزده هیئت جلیله کزک
قراری و جهله داخلیه وکیلنک غیبوتی مدیحه کندیسه
وکالت ایدم جک ذاتک انتخابی واردر . اول امرده داخلیه
وکیلنه وکیل انتخابی معامله سنی اجرا ایدلم . لطفاً
رایلریکزی خفی اوله رق احضار بویوریکز . اسامی
اوقوندیجه قوطی یه وضع ایدرسکز . آرا استعمال ایدلری
و تصنیف آرایه محمد طاکف بك بور دور ، فوزی افندی
باطوم ، دو قنور رفیق بك بازید مأمور اولدیلر .
رئیس — اون دقیقه تنفس ایچون جاسه بی تعطیل
ایدیورم .
خام جلسه
ساعت ۲
دقیقه ۴۰

ایکسجی جلسہ

برائذاکرات

دقیقہ سات

۲ ۵۰

[رئیس - رئیس نانی رؤف بک افندی]

کاتب : حق بک (وان)

داخلیہ روائتی وکیل انتخابی :

رئیس - جلسہ کشاد ایدلدی . مآذون بولنان داخلہ وکیل فتحی بک وکالت ایدہ جک ذات ایچون یابیلان انتخاب نتیجہ سندہ رأیہ اشتراک ایدن رفقانک عددی ۱۸۸ در . شوخالده معاملہ تمام ، ۱۶۰ رأی ایلہ نیکده مبعوثی عطا بک فتحی بک وکالت ایتمک اوزرہ داخلہ وکالتہ انتخاب اولمشدر (آلتیشلر)

عطا بک (نیکده) - اقدم ! ہیئت جلیله نیک حق عاجزانہ مدہ کوستردیکی اثار مودت وتوجهدن دولانی عرض شکران ایلرم . تودیع بوپوریلان شو مشکی وظیفہ بی بندہ کزده ہیئت جلیله کزک اعتمادینہ استناداً درعہدہ ایدہ جکم . توفیق آلہدندر . بن وسع مقدارندہ چالیشہ جقم . (اللہ موفق ایلسون سسلری)

هیئت وکیل نیک استعفا سی :

رئیس - اقدم ! ہیئت وکیل نیک صورت انتخابہ دائر اخیراً ہیئت عالیکزجه قبول اولنان قانون مناسبتیلہ بوکون ہیئت وکیلہ بی تشکیل ایدن ذوانک مجلس عالیہ عرض ایدلمک اوزرہ استعفانامہ لری واردر . یکان ، یکان ہیئت علیہ کزہ عرض ایدیلہ جکدر .

بوپوک ملت مجلسی ریاست جلیله سنہ

اجرا وکیللرینک صورت انتخابہ دائر مجلس عالیجہ قبول بوپوریلان قانون اصول انتخابک تعدیلنی تضمین ایلدیکنہ بناء مقدما نامزد اصولیلہ انتخاب ایدلدیکم مالیہ وکالتندن استعفانامک لطفاً قبول بوپورلمسی مسترحمدر .

۹ تموز ۳۳۸ / کشمخانه مبعوثی

حسن فہمی

بوپوک ملت مجلسی ریاست جلیله سنہ

خارجیہ وکالتہ انتخاب عاجزانہ ۴ تشرین نانی ۳۳۶ تاریخلی قانونہ توفیقاً وقوعبولمش اولسنہ واخیراً بوقانون ۸ تموز ۳۳۸ تاریخلی قانون ایلہ الفا اولنہرق قانون جدیدہ کورہ انتخاب مقام ریاستدن نامزد کوسترلمکسزین دوغریدن دوغرییہ بوپوک ملت مجلس عالیسنجہ یابیلہ جغنه بناء یکی اصولده انتخاب بوپوریلہ جق برآرقداشمزہ ترک وظیفہ ایتمک ایچون وکالت مذکورہ دن عفو بوپورلمقلمعی استرحام ایلرم اقدم .

۹ تموز ۳۳۸

قسطمونی مبعوثی

یوسف کمال

تورکیا بوپوک ملت مجلسی ریاست جلیله سنہ

اجرا وکیللرینک صورت انتخابہ دائر قبول ایدیلن ۸ تموز ۳۳۸ تاریخلی قانون ، عہدہ عاجزانہ مہ تودیع ایدیلن عدلیہ وکالتی وظیفہ سنک ختامہ ایردیکنی تضمین ایلسی حسیلہ ، استعفا می مع الاحترام عرض ایلرم اقدم .

۹ تموز ۳۳۸

صاروخان مبعوثی

رفیق شوکت

بوپوک ملت مجلسی ریاست جلیله سنہ

هیئت وکیلہ نیک صورت انتخابہ دائر بوپوک ملت مجلسینجہ قبول ایدیلن ۸ تموز ۳۳۸ تاریخلی قانون موجبنجہ اجرا وکیللرینک یکیدن انتخابی مقتضی اولدیی قاعغیلہ اقتصاد وکالتندن استعفا ایتمدیکی عرض ایلہ تأییدحرمت ایلرم اولبابده امر و فرمان حضرت من لہ الامر کدر .

۹ تموز ۳۳۸

اقتصاد وکیل

حسن حسنی

بوپوک ملت مجلسی ریاست جلیله سنہ

ناقہ وکالتی وکیللکسنہ انتخاب عاجزانہ ۳ تشرین نانی ۳۳۶ تاریخلی قانونہ توفیقاً اجرا بوپورلمش اولسنہ واخیراً بوقانون ۸ تموز ۳۳۸ تاریخلی قانون ایلہ الفا اولنہرق قانون جدیدہ کورہ انتخاب ؛ مقام ریاستدن نامزد کوسترلمکسزین دوغریدن دوغرییہ بوپوک ملت مجلس عالیسنجہ یابیلہ جغنه مبنی یکی اصولده انتخاب بوپوریلہ جق

بر آرداشمزه ترك وظيفه ايمك اوزره وكالت مذكوره دن
عفو بويورلمقلمى رجايدرم اقدم .

۹ - تموز - ۳۳۸

نافعه وكالتى وكىلى

دوقتور عدنان

بويوك ملت مجلسى رياست جليله سنه

امور شرعيه و اوقاف و كالتنه انتخاب عاجزانه ۸ تشرين
ثانى ۳۳۶ تاريخى قانونه توفيقاً اجرا بويورلمش اولسنه
و اخيراً بوقانون ۸ تموز ۳۳۸ تاريخى قانون ايله الفسا
اوله رفق قانون جديده كوره انتخاب ، مقام رياستدن نامزد
كوسترلكسزين دوزریدن دوزرى به بويوك ملت مجلس
عاليسنجه ياييله جفته مبنى قانون جديد موجبجه انتخاب
بويوريله حق بر آرداشمزه ترك وظيفه ايمك ايجون وكالت
مذكوره دن عفو بويورلمقلمى استرحام ايلرم اقدم .

۹ تموز ۳۳۸

امور شرعيه و اوقاف وكىلى

اسكيشهر مبعوثى

عبدالله عزمى

بويوك ملت مجلسى رياست جليله سنه

اجرا و كيللرينك صورت انتخابنه دائر مجلس عاليجه
قبول بويوريلن ۸ تموز ۳۳۸ تاريخى قانون وظيفه عاجزانه
نه مه نهايت ويرمش اوله جفتدن معارف و كالتدن استعفاى
مع الاحترام عرض ايلرم اقدم .

قره سى

محمد و جى

بويوك ملت مجلسى رياست جليله سنه

اجرا و كيللرينك صورت انتخابنه دائر مجلس عاليجه
قبول بويورولان ۸ تموز ۳۳۸ تاريخى قانون وظيفه
عاجزانه مه نهايت ويرمش اوله جفتدن مداقعه مليه و كالتدن
استعفاى مع الاحترام عرض ايلرم اقدم .

۹ - تموز - ۳۳۸

قره سى مبعوثى

كاظم

بويوك ملت مجلسى رياست جليله سنه

هيئت و كيله نك و رياستك صورت انتخابنه دائر

بويوك ملت مجلسنجه قبول ايديلن ۸ تموز ۳۳۸ تاريخى
قانون موجبجه يكيدين انتخاب مقتضى اولدينى قناعتيله
اركان حرييه عموميه و كالتيله برابر هيئت و كيله رياستدن
استعفا يلد يكمى عرض ايلرم اقدم . ۹ تموز ۳۳۸
اجرا و كيللارى هيئت ريشى

و

اركان حرييه عموميه وكىلى

فوزى

بويوك ملت مجلسى رياست جليله سنه

هيئت و كيله نك صورت انتخابنه دائر بويوك ملت
مجلسنجه قبول ايديلن ۸ تموز ۱۳۳۸ تاريخى قانون
موجبجه اجرا و كيللرينك يكيدين انتخابى مقتضى اولدينى
قناعتيله صحيه و معاونت اجتماعيه و كالتى و كيللكندن استعفا
ايلديكمى عرض ايلرم اقدم . ۹ تموز ۳۳۸

صحيه و معاونت اجتماعيه

وكالتى وكىلى

دوقتور قنواد

رئيس - اقدم ! هيئت عليه كزجه قبول ايديلن
قانون موجبجه هيئت و كيله اصوله تبعاً هيئت عليه كز
منفرداً استه فانامه لرئى تقديم ايتمشدر . ظن عاجزانه كوره
يكيدين انتخابات اجرا ايديلنجه به قدر مملكستك حكومتسرقلمسنى
طبيعى اجرا هيئت جليله كز تصويب بويورماز . بناءً
عليه ؛ انتخابات اكمل ايديلنجه به قدر اكر مناسب
كوروزسه كز هيئت حاضره نك سابق وظيفه لرنده دوام
مأموريتلرى موافقدر . (هاى ، هاى سسلرى) بوبابده
ارضروم مبعوثى حسين عونى بك بر تقرير ويرمشدر .
او قويورم .

رياست جليله يه

استعفا ايدن آرداشلرمن يرلرينه انتخاب اولننجه به
قدر كفى السابق وظيفه لرينه وكاله دوام ايتمه لرئى رجا
ايدرم . ۱۰ تموز ۱۳۳۸
ارضروم مبعوثى
حسين عونى

استعفا لرزنده ارکان حربیه عمومی و کالتندن اجرا و کیلاری ریاستندن استعفا ای دیورم دیورم . فقط اجرا و کیلاری ریاستندن بو استعفا ؛ بزء عائد دکل هیئت و کیله به عائددر . بناء علیه ؛ بزء بو استعفانا مبعی قبول ای دوپ ایتمه من موضوع بحث دکلد . شمدی ذاتا مصلحتک ایجاباتندن اولوق اوزره ...

دوقور مظهر بک (آیدین) — قانونک مصلحتی ایجابدر ...

علی شکری بک (دوامله) — هیئت و کیله ریسی فوزی پاشا حضرتلری دکلد . فوزی پاشا حضرتلری کندی آرقداشلری میانندن ، کندی آر الزنده انتخاب اولغش بر ریسیدر . بناء علیه ؛ بزء قبول ای تدیکمز قانون موجبجه ایوم او مقام مستقل بر مقامدر و او مقام بر کون آجیقدر ، و کاتی یوقدر . ایسترسه کز فوزی پاشا حضرتلری تکرار او مقام ایچون انتخاب ایده بیلیر سکز ، اوده بشقه . یالکز مصلحتک ایجاباتندن اولوق اوزره بو کون اجرا و کیلاری ریسنک انتخابنده بویوک بر فائده کوریورم . چونکه دیگر بر طاقم آرقداشلری ده استعفا ای دیورم . اوله بیلورکه هیئت محترمه تکمیل و کیلاری یزلرنده ایفا ایدر ، اوله بیلیرکه بعضیلری تبدیل ایدر . فقط بونک ایچنده ریسی اوله جق ذاتک بو کون انتخابنده بر یأس یوقدر قناعتمهیم .

طونلی حلمی بک (بولی) — افندم ! اولاً علی شکری بک تشکیلات اساسیه قانونک ماده مخصوصه می موجبجه مقام ریاست یوقدر ، او یکیدن احداث ای دلشددر . (نه مقام ریاستی ؟ ... هیئت و کیله ریاستی دیسکز) (سسلری)

طونلی حلمی بک (دوامله) — هیئت اجراییه و کیلاری ریسی یوقدر دیورلر . حالبوکه واردراقندیلر ! نه کم قانون ذکر ایتمشدر . فقط صوکنجی قانونده بورادن دوغریدن دوغریه یه انتخاب ای دیله جک ، فقط برنجی قانونده اجرا و کیلاری هیئت ریسنک کندیلری طرفندن و ایچلرندن انتخاب ای دلسی صورتی وار . بناء علیه ؛ ینه واردر ، ینه واردر .

ریس — بوده بنده کز کمروضامه توافق ای دیورم . رایه قویه جف ، ظن ایدرم هیئت جلیله کزده بونده متفقددر . انتخابات نتیجه نتیجه قدر استعفا بویوران ذواتک کافی السابق وظیفه لرزنده دوام ایتمسی قبول بویوزانلر لطفاً ال قالدیرسون ! و کلاً ایفای وظیفه ایتملی اتفاقه یاقین برا کثریته قبول ای دلشددر .

علی شکری بک (طرزون) — افندم ! استعفا ای دن هیئت و کیله بک بر لرینه دیگر و کیلار انتخاب ای دیله ججه قدر وظیفه لری باشنده بولتملی غایت طیبی بر کیفیتدر . یالکز کچن کون قبول ای دیلن بر قانونده محدث بروکالت واردرکه اوده هیئت و کیله ریاستیدر . بناء علیه بواساساً و کیلار آراستنده موجود اولیان بر مقامدر ، او مقام آن یوشدر . بو اعتبارله بو کون هیئت و کیله ریاستنک انتخابنک اکل ای دلسی تکلیف ای دیورم . (بو کون اولماز) (سسلری)

ریس — افندم ! هیئت علیه کز مروضامه میاننده ارکان حربیه عمومیه ریسی پاشا حضرتلری بک عین زمانده اجرا و کیلاری ریاستندن ده استعفا می موضوع بحثدر . بنده کزده تکلیف ایدرکن عین ذواتک ، عین وظائفی ایفا ایتمسی تکلیف ایتمم ، بنده کز عین صورتله هیئت جلیله کزده عرض ایتمم . و او صورتله اتفاقه یاقین برا کثریته قبول ای دلشدی .

ضیا خورشید بک (لازستان) — ریس بک ! سوز ایسترم . افندم ! استعفا ای دن هیئت و کیله بک و کلاً ایسه یاقلری یکی بر حکومت انتخاب ای دیله ججه قدردر . بو کون اجرا و کیلاری ریسی انتخاب ایده جک اولورسه ق طبیعی ریسنه کچر . « عجله می نه سسلری » طبیعی افندم ! بو کون ریسنلری انتخاب ایتمک مجبورینده یز . (کوروتیلر ، خیار سسلری) نه زمانه قدر انتخاب دوام ایده جک ؟ بر آن ارل اجرا و کیلاری ریسی انتخاب ایتملی یز .

علی شکری بک (طرزون) — افندم ! ظن ای دیورم که بر زهرل واردر . کچه ؛ هیئت و کیله ریسی وارکان حربیه عمومیه و کیلی فوزی پاشا حضرتلری ،

ایکنجیسی : آتیا بویله براتخابه کیریشمک فائده لیدر ، دکلیدر ؛ بن نصلسه کچ قالدیم ؛ داخلیه وکالتی ایچون رأی ویردم . فقط نه دوشوندم ؛ نه طاشیندم آنجق فکر مه مطابق بولدیم و رأیمی ویردم .

ضیا خورشید بک (لازستان) — هر کس سزک کبی دکل ...

طونه لی حلمی بک (دوامله) — بناء علیه ؛ هیچ اولمازسه یکر می دوت ساعتک بر استشاره دن صکره اتخابی یاپالم . یوقسه بویله اتخابه بردن بره کیریشمک ؛ بر طاقم تمهلکله قارشوسنده بولتان قوص قوجه بر ملتک باشنه عظیم بر فلاکتی انتاج ایتک دیمکدر . باخصوص آتشی ، آتشی میدانه کتیریلن یکی قانونک اتخاباتی ده آتشی ، آتشی دکل صفوق قانلیقله اولمی . (براوو ، خنده لر) فیضی افندی (ملاطیه) — بویله مهم اتخابات بر کونده اولماز . بونی چهارشنبه کوننه تأخیر ایدرز . ودور ، دراز دوشونورز و اتخاب ایده جکلریمزی اتخاب ایدرز .

حقی حامی بک (سینوب) — اقدم ! قانیک مجلس عالیکزجه قبول ایدلریکی دقیقه ده داخلیه وکالتک بر آن دخی بوش قلمسی جائز اولیه جغه بناء بوکون بروکیلک اتخابنه لزوم کوسترن مصلحت تامه بوکون ینه شودقیقه ده دها زیاده اهمیتله کندیسنی کوستر مشدر . فی الحقیقه هیئت رکیله استعفا ایتمش واستعفانامه لرئ اوزرینه یکی راتخاب یاپیلنججه قدر کندیلرینک ایضای وظیفه ایملری مجلس عالیجه قرار کیر اولمش ایسه ده شو ایضای وظیفه بالا اتخاب میدانه کتیرینه جک اولان بر هیئت وکیلک اجرای وظیفه ایده جچی قدر قوتلی دکلدرد . اگر اویله اولمق لازم کسه ایدی اتخابه حاجت قالمازدی .

صکره بنده کز آکلامیورم . بر قانون قبول ایدلندی . ایکی قانون موجبنه هیئت وکیلله ریسی ایله اجرا وکیللرینک استعفانامه لرئ شوراده او قوندقدن صکره نیچون اجرا وکیللرینک و اجرا وکیللری رئیسک اتخابنه بوکون باشلانمیورده ، بوکون طورسون دینیور و استعفانامه لر اوزرینه ویریلن قرارله یرلینه بشقه ذوات اتخاب ایدیلنججه

قدر وکاله ایضای وظیفه ایتسونلر دینیورده فلان کونه قدر دینیور ؛ بناء علیه شودقیقه دن اعتباراً مجلس عالیکز اکثریتله قرار ویرسه اجرا وکیللری ده ، اجرا وکیللری رئیس ده اتخاب ایدیلجه جک . برهفته صکره اتخاب ایدیلجه جک دیرسه ، برهفته صکره اتخاب ایدیلیر . نصل که داخلیه وکیلی ایچون ، بوکون اتخاب یاپیلمسنه قرار ویردیکز ، بوکون اتخاب یاپیلمشدر ؛ بناء علیه بوده بوکون یاپیلیر . هیئت جلیله کزه عرض ایدیورم ، اهمالی ، تأخیری دوعهری دکلدرد . اما هیئت جلیله کز قناعت حاجزانه مه اشترالایتمز ، اوباشقه . بناء علیه شوو تقریری تقدیم ایدیورم . بوکون اجرا وکیللری رئیسک همان اتخابی تکلیف ایدیورم . و اجرا وکیللرینک اتخابی دخی بالطبع اونی متعاقباً یاپیلرسی لازمدر .

علی سروری افندی (قره حصار شرقی) — اقدم ! اجرا وکیللرینک — ظن حاجزانه مجه — اصلا وارد اولیان بر سبب دولایسیله بوکون استعفانامه لرئ او قوندی . و هیئت جلیله یکی اتخاب یاپیلنججه قدر اسکی اجرا وکیللرینک وظیفه لرینده دوامتی اتفاقه یقین بر اکثریتله تحت قراره آندی . هیئت جلیله نک اتخاذا بو یوردیغی شو قرارده فوزی پاشانک هم ارکان حرینه عمومیه وکالتی و هم ده اجرا وکیللری ریاستی ایفایدم جچی صراحتاً مند مجدر . بو تاویل قبول ایتمز . چونکه ویریلن قرار هیئت سابقه نک وضعیت موجوده سی یکی اتخاباتک اجراسنه قدر ادامه در . بونک باشقه معناسی یوقدره . بناء علیه علی شگری بک برادر سزک مطالعه لرینی آنجق بوکون اتخاب یاپیلیمق زمینده تلقی ایتک جائز اوله ییلیر . یوقسه دیگر وکیللر یرلرنده قاله جق . فقط اجرا وکیللری ریاستی بو دقیقه ده منحلدر دیمک قطعاً موافق دکلدرد . شمعی اتخابه باشلانوب باشلانماق مسئله سنه کمنجه ، بک افندیلیر ! اجرا وکالتلری نه درجه مهم ایسه اجرا وکیللری ریاستی ده او درجه مهمدر .

علی شگری بک (طرزون) — دها مهمدر . علی سروری افندی (دوامله) — بوکون او قونان استعفانامه لر اوزرینه هیچیا بر فکر مخصوص

ایدینه بیلدکمی ؟ اجرا وکیللری ریاستنه کیمی انتخاب ایده جکز؟ علی شکری بک برادرمن و بلکه بعض رفقا بر فکر ایدینه بیلمشلدردر . ورآی ویره جکلری ذواتی قرارلاشدرمشلدردر . فقط ؛ بن ظن ایدیورم که اکثریت عظیمه هنوز بر فکر ایدینه مه مشلدردر . رجا ایدرم او یله عجله ایدرنک بالاخره دهامهم وضعیتلره دوشمش اولیم . بو کونلک تانی ایددم ، مشاوره ایددم ، پایه جغمز انتخابده اصابتی دها زیاده تأمینه چالیشم ، باشقه زمین یوقدر اقدم .

مفید افندی (قیرشهر) — اقدم ! بو کونکی استعفانامه لر قارشوشونده آرقداشلرمدن بهضلری اجتهاداتی مجلس عالی به عرض ایتدیلر . فقط ؛ بنده کزک هیئت محترمه لرندن رجا ایدر جکم بر نقطه واردر که علی شکری بک برادرمنک بورایه حیثوب بیانانده بولنسندن اول مجلس عالی کز اهمیت مخصوصه بی حائر ، اتفاقه قریب برقرار اتخاذ بویورمشدر . شمعی مجلس عالی کنندی طرفندن تمام اولان برقراری نقضه ساعی وضعیتده بولنه جغنی ده نظر دفته آلهرق هان انتخاباته باشلامسنی هیئت محترمه کزک قبول اتمیه جکنه امین اولدیغمدن انتخاب ایکی کون صکره ، اوچ کون صکره پایلمسنه هیئت جلیله فرار و بزرک مسئله به نهایت ویریلور . و بوضورتبه مسئله حل اولندقدن صکره بشقه مطالعا درمیان اتمکده سبب قالمش اولور .

رشید آغا (ملاطیه) — بنده سز هیئت علیه کزدن برشی استرحام ایده جکم . هیئت وکیللرک استعفاسی او قوندی . هیئت وکیللر انتخاب اولنتجه به قدره سابق وکیللرک ینه وظیفه باشنده بولنسنه مجلس عالیجه قرار ویشدر . بنده کزجه نامزدلک قانوننک طی ایدانسنک اسکیدن انتخاب اولمان اجرا وکیللرینه علاقه سی یوقدر . چونکه بر قانونک ماقبلنه شمولی یوقدر . بونلر ض ایدرسه اعتماد ، عدم اعتماد مسئله سی تضمین ایدر . بنده کزه فالیرسه همزک اسبی وکیللره اعتمادی واردر . استرحام ایدرم ، تکرار انتخاب یایمغه لزوم یوقدر . بوندن دولایی

وکیللر استعفانامه لرینی کیری آلسونلر انتخابه لزوم قالمسون . چونکه ؛ پاییلان قانونک ماقبلنه شمولی یوقدر . مابعدینه واردر . بناء علیه ؛ هیئت وکیللر ده بولنان ذواته عدم اعتماد دکل ، اعتمادمن واردر . تکلیفی قبول بویورمکزی هیئت علیه کزدن استرحام ایدرم .

رئیس — اقدم ! مذاکره نک کفایته دائر برتقریر واردر .

ریاست جلیله به

مذاکره کافیدر .

ملاطیه مبعوثی

فیضی

رئیس — مذاکره نک کفایتی قبول ایدنلر لطفاً اللریخی قالدیرسون ! مذاکره نک کفایتی اکثریتله قبول ایدمشدر اقدم .

ملاطیه مبعوثی فیضی افندینک بر تقریری واردر ، او قویه جغز :

ریاست جلیله به

دورودر ازدوشونلک اوزره اجرا وکیللرینک چهارشنبه کونی انتخاب ایدلمسنی تکلیف ایلرم . ۱۰ تموز ۳۳۸

ملاطیه مبعوثی

فیضی

رئیس — بو تقریری قبول ایدنلر لطفاً اللریخی قالدیرسون ! تقریر اکثریتله قبول ایدمشدر .

ضیا خورشید بک (لازستان) — رئیس بک ! بو اجرا وکیللرینه عائددر . حالبوکه رئیس انتخابی ایچونده آیریمجه تقریر واردر .

رئیس — اقدم ! تردد حاصل اولدی . فی الحقیقه تقریرده رئیسدن بحث ایدلمه مشدر . سینوب مبعوثی حقی حامی بکک بر تقریری واردر .

ریاست جلیله به

اجرا رئیس انتخابنه بو کون باشلامسنی عرض و تکلیف ایلرم .

سینوب مبعوثی

حقی حامی

ریاست جلیلهیه

اجرا و کیلیری هیئت رئیسی انتخابک بوکون یاپیللمسنی
تکلیف ایدرم .

۳۸ - ۷ - ۹

لازستان مبعوثی

ضیاخورشید

رئیس — اجرا و کیلیری هیئت رئیسنک بوکون
انتخاب ایدلمی حقدمه کی تکلیفی قبول ایدنلر لطفاً اللرینی
قالدیرسون ! اکثریت حاصل اولمه مشدر . شو حالده
اقدم اجرا و کیلیری رئیسی انتخابی ده اجرا و کیلیری کبی
چهارشنبه کونی اجرا قیلنه حقدر . بر نقطه یی تصریح
ایتمکه جریان ایدن مناقشه نتیجه سنده بر ترددی موجب
اولماق اوزره احتیاج قطعی واردر . بنده کز بدایتده
رأیه قورکن اجرا و کیلیری ریاستی در عهده ایدن ذاتک
عین زمانده ارکان حربیه عمومی و کیلی اوله رق استعفا
ایتدیکنی تقریرنده او قومقله برابر رأیه قویدم . یعنی
رئیس اولان ذات، ارکان حربیه عمومی و کیلکنی و کالة
ایفا ایتدیکی کبی دیگر وظیفه یی ده ایفا ایده جکدر .

(طبیعی سسلری)

علی شکری بک (طرزون) — طبیعی، اما قانونه
موافق اولماز .

رئیس — شو نقطه یی آ گلادیئم کبی ایضاح ایدیم .
اجرا و کیلیری هیئت رئیسنک معین بروظیفه سی واردر .
یعنی او وظیفه نك تبدیل ایدلایکنه دائر هیئت علیه کزجه
قبول ایدلمش اورته ده بر قانون یوقدر .

ضیا خورشید بک (لازستان) — آ ما اورته ده
رئیس یوقدر .

یحیی غالب بک (قیرشهر) — نیچون یوقمش اقدم ؟
رئیس — اقدم ! روزنامه منک مذاکره ایدیله جک
ماده سی مدافعه ملیه بودجه سیدر . اسباب موجب مضطبه سی
اوقویه رق مذاکره سنه باشلا بورز (وکیل یوق سسلری)
وکیل اصیل کبی مسؤادر . اقدم !

توفیق رشدی بک (منتشا) — اقدم ! کچن کون
مجلس عالیده زراعت بانکه سی بودجه سیله برلکده مذاکره
ایدلمک اوزره زراعت مکتبته عاقد بر قانونک مذاکره سی

قرار لاشمش ایدی . بناء علیه ؛ باشلامش اولان مذاکره
بیمش دکلدر . مدافعه ملیه بودجه سی اساسلی بر بودجه در .
بناء علیه ؛ مجلسک اولجه ویردیکی قرار موجب نه زراعت
بانقه سی بودجه سی ایله مذاکره سی تقرر ایدن لایحه نك
مذاکره سنه دوام ضرورتی واردر .

بصری بک (قره سی) — اقدم ! بودجه نك هیئت
وکیلک انتخابدن صکره مذاکره سی لازم کلیر قناعته ایم .
واقعا هیئت وکیلک حاضره یکی انتخابات اجرا ایدیلکجه یه
قدر یرنده قالا حقدر . فقط ؛ بودجه مذاکره اتی انساننده
بر وکیلک وقوع بوله جق مدافعاتی مجلسجه تدقیق ایدیلوب
مجلسک قرارینه اقتران ایتدکن صکره بو قرار وکیل
ایچون بر وجهه تشکیل ایدجه کی ایچون بو وجهه یی
وقتی و قتمسز تبدیل امکانی اولمادیغندن بودجه مذاکره نك
هیئت وکیلک قطعی صورتده انتخابی متعاقب اجرا
ایدلمی قطعاً لازمدر . بناء علیه ؛ عجله ایتیم . هیئت
وکیلک انتخابی قطعی بر نتیجه یه اقتران ایدیلکجه قدر تأخیر
ایدلم . اک موافقی بودر .

مدافعه ملیه و کیلی کاظم پاشا (قره سی) — اقدم !
بو یکی انتخابات یاپیلکجه یه قدر بودجه مذاکره سنک
تأخیری رجا ایدرم . یکی انتخابات یاپیلیر . اوندن صکره
مذاکره ایدیلیر اقدم .

رئیس — مدافعه ملیه و کیلی پاشا حاضر تلمی یکی
انتخابات یاپیلکجه یه قدر بودجه مذاکره سنک تأخیری
تکلیف ایدیورلر . قبول ایدنلر لطفاً اللرینی قالدیرسون !
مدافعه ملیه بودجه سنک مدافعه ملیه و کیلی پاشا حاضر تلمی نك
تکلیفی وجهله تأخیری قبول ایدلمشدر .

صلاح الدین بک (مرسین) — هیئت جلیله نك قبول
بروردیغی بو قراری بده کزده نمی ایده جکدم . فقط ؛
شمدی ایشمز قالدق و بناء علیه ؛ ایشمز قالدیغمز نك سبی
نه اولدیغی برکره هیئت علیه نك دوشومسنی رجا ایدرم .
بنده کز هیئت عمومی حقدمه سوز المامشدم . آرقداشلر من
حق اولان نقطه نظرلری در میان ایتدیلر ، بعض
آرقداشلر مزده یته محق اوله رق دوشومسکه محکوم اولدیلر .
فقط ؛ باقیکز اقدیلر ! شمدی اوطورمنه محکومز و بوش

طونه لی حلمی بك (بولی) — مجلس بودجه سی وار
رئیس بك افندی ..

رئیس — افندم! مستعجل روزنامه مزده تشکیلات
وقادرو لرك انجمنلرجه تدقیقنه دائر ارضروم مبعوثی حسین
عونى بكك تكلیفی واردر . مذا کره سنه باشلامشدى .
تسبیب بویورورسه کز بوکون دوام ایدهلم .

حسب بك (مرعش) — اوندن اول استقلال
محکمه لری واردی بك افندی ..

رئیس — تشکیلات قادرو لری نك تثبیتنه دائر ارضروم
مبعوثی حسین عونى بكك تقریرینك مذا کره سنی قبول
ایدنلر لطفاً ال قالدیرسون ! . قبول ایلمدی افندم .

جلسه یی اون دقیقه تنفس ایچون تعطیل ایدیورم .

ختم جلسه

دقیقه ساعت

۳ ۲۵

— ۰۰۰ —

اوچنجی جلسه

برأ مذاکرات

دقیقه ساعت

۳ ۵۰

[رئیس — رئیس ثانی رؤف بك افندی]

کاتب : ضیاخورشید بك (لازستان)

— ۰۰۰ —

رئیس — افندم! جلسه یی کشاد ایدیورم . چهارشنبه
کونی ساعت بر بقی ده اجتماع ایذیله رك انتخابات اجرا اولمق
اوزره جلسه یی تعطیل ایدیورم .

ختم مذاکرات

دقیقه ساعت

۳ ۵۲

اجتماع آنی روزنامه سی

ضبط سابق خلاصه یی

هیئت وکیله انتخابی

دورمه محکومز . (خایر سسلری) اجرا وکیللرینك
انتخابنه دائر قانون قبول ایذیلرکن و ذاتاً جریان مذاکره
و مناقشه اثناسنده ذاتاً تجدث ایده جك وضعیت هیئت
علیه کزجه معلوم یدی ، بناء علیه ؛ هیئت علیه کزجه بر
قرار ویرلشدر . بنده کز جریان ایذم مذاکره یی ردس
وعبرت اولمق اوزره بوراده یالکز تکرار ایتم .

رئیس — افندم! مدافعه ملیه بودجه سی تأخیر ایذلیکنه
وبوده هیئت علیه کزجه قبول ایذلیکنه نظر آتسبیب
بویورورسه کز روزنامه مزده صیره ایله مستعجل مواددن
برینی ترجیحاً مذاکره ایدرز ، بوتکالیفدن برینی موضوع
مذاکره اتخاذ ایدهلم .

علی جنانی بك (غازی عینتاب) — افذیلر ازراعت
باقه سی بودجه سنك تقرعاتندن بر قانون واردر ، بو بودجه نك
تقرعاتنددر . دها بودجه یه متفرع یدی سکز دانه قانون
لایحه سی واردر . هانکیسنی آرزو ایدرسه کز اونى بوکون
چیقاریز . طبعی هبسی روزنامه ده در . ذاتاً بوکونی
بودجه یه تخصیص ایتشد بکنز . اوکاده خلل کله مش اولور .
طبعی بودجه ده روزنامه ده در . افندم! زراعت باقنه سنده
تخصیصاتی قبول ایتدی بکنز بر زراعت مکتبی قانونی
واردر . بو بودجه یه متفرع بر قانوندر و او قانون چیقمازسه
اوراسنی اداره ممکن اولماز .

رئیس — زراعت مکتبته فاند اولان وعلی جنانی
بکك تکلیف ایتدی کی قانونك مذاکره سنی بوکون قبول
ایدنلر لطفاً ال قالدیرسون ! قبول ایلمه مشدر افندم .
افندم قره سی مبعوثی بصری بکك بر تقریری وار .

ریاست جایله

هر وکالت بودجه سی مذاکره سنك انتخاب نتیجه سنه

تعلیقتی تکلیف ایدرم . قره سی

ح . بصری

رئیس — قره سی مبعوثی بصری بکك تکلیفی قبول

ایدنلر لطفاً ال قالدیرسون ! قبول ایلمدی افندم .



فصل في بيان... (The text is extremely faint and largely illegible due to fading and bleed-through from the reverse side of the page. It appears to be a continuation of a treatise or a list of items.)

